

Landesbibliothek Oldenburg

Digitalisierung von Drucken

Bibliotheca Smithiana, Seu Catalogus Librorum D. Josephi Smithii Angli Per Cognomina Authorum Dispositus

Pasquali, Giovanni Battista

Venetiis, 1755

Blondi Flavii Roma Triumphans.

urn:nbn:de:gbv:45:1-844

tradita invenerit, excerptis videatur, sed etiam quæ sabinde usus cunctarum rerum magister mortales docuit scitu digna collegisse, & in hunc libellum quam diligentissime elegantissimeque contulisse. Cujus ut præcepta magno erunt agricolis adjumento, ita stilus dicendi pro qualitate materiae adhibitus, viris etiam eruditis voluptati non mediocri. Iis denique divinis (ut ita dixerim) libris non modo tua opera, sed etiam impensis, & aliis compluribus voluminibus hac in urbe quam accuratissime exaratis tibi merito prima debet; ex quo nec injuria illud de te dixeris: Primus ego in patria modo chartas ære signavi, Et novus in Regio bibliopola fui. Vale.

BLONDI FLAVII ROMA TRIUMPHANS.

Brixia per Bartholomæum Vercellensem MCCCCLXXXII.

*Ad Sanctissimum Patrem & Dominum Pium Secundum Pont. Max.
Blondi [1] Flavii Forliviensis in Triumphantis Romæ Libros.*

Quotquot hæcenus scriptores & vates opera sua principibus inscribere, id solum Beatissime Pater, quasivere, ut ab illorum potentatu & magnitudine laboribus suis apud omnes auctoritatem, & ab invidis tutelam, munimenque parent. Prudenter id quidem, quando ita veteri consuetudine fieri videmus, ut omni in re, sed in litteraria imprimis, minus vulgo cognita, quod principes probant, gratum habent, ceteri etiam laudent, cupiant, tueantur. Ego autem, etsi meæ triumphanti Romæ multarum lucubrationum operi, tuo nomini dicato, tibi inscripto, auctoritatem a tuo pontificatu, a tuoque potentatu protectionem non renoo, aliud tamen & quero & expecto, quod plurimi sum facturus. Eo, Pater sanctissime, post Leonem utrumque, primum & secundum, Pontifices Romanos dicendi & scribendi ornatu polles, ut quales post illorum tempora non vidit Ecclesia, apostolicas denuo litteras Romano principatu, Romana dignitate dignas jam tandem orbis christianus accipiat; quique ad tuum veniunt conspectum oratores, & omnium gentium, nationum, urbium viri præstantiores, sedere in Petri sede vicarium Jesu Christi intelligant orationis, verborum, & sententiarum dignitate ac gravitate ostendentem se unum esse, cujus eloquentia omnium maximam æquet muneris pontificii amplitudinem. Si itaque meum opus accipis & probasse videris, abesse non poterit, quin a tam eloquente laudatum summo pontifice, laudandum quoque ceteri omnes existiment. Qua fretus confidentia non verebor facere editionem multis hoc tempore, ut mea fert opinio, profuturam. Exciti enim

ad 2 a te

[1] Haud fatis constat utrum *Flavius Blondus* vel *Blondus Flavius* appellaretur. Id vero certum est e *Ravaldina* prænobili & antiqua Forliviensis gente produsse. Eugenii IV. Nicolai V. aliorumque Summorum Pontificum a Secretis fuit, & in conscribendis historiis apprime clarus. Romæ supremum diem clausit anno MCCCCLXIII. ætatis suæ LXXV. quinque relictis filiis *omnibus* (ut ipsemet aiebat *Ital. Ill. Reg.*

VI. pag. 34.) *litteris pro ætate plenis.* Elogium doctissimi viri habes in *Comment. Aen. Piccolom.* seu *mavis Pii II.* hisce verbis: *Familiam bene institutam reliquit utriusque sexus. Patrimonium quod habuit, tenuit, dotium causa inter feminas divisit. Masculis præter doctrinam bonosque mores nihil reliquit. Id morienti suo fuit, ejus ætatis filios dimisisse qui sibi ipsis consulere possent.*